




ایده بر دفعه تورکجه و فرانسزجه اولاراق نشر ایدیلیر

مجموعه عثمانیه واسلامیه در

مندرجات :

دوقتور عبدالله جودت

ع . ج .

قارلایل

مناسرتلی : بهاء الدین

۰ ۲

آلفیه ری

عقبه مسئله سنک عاقیق

روسیایه دائر

انقلاب میدانی

بیرلخن سیاسی

دهاء نه در

ادبیات

پوسته قوطومز

اخوت اسلامیه

مطبوعات جدیده

آدرس : ADRESSE

IDJTIHAD
Caire et Genève.

الجهاد

ژاپون کاغدی اوزره ریته مطبوع اولمایانلرک
نسخه سی (۱) فرانقدر .

برنجی سنه

هر لسانده هر نوع آثار علمیه و ادبیه
و اجتماعیه متشکراً قبول و درج
اولونور

سنه لک آبونه بدلی هریر ایچون (۱۳) فرانقدر

ژاپون ۴۰ مپه ریال کاغدی اوزره ریته
مطبوعتک سنه لک آبونه سی
(۵۰) فرانقدر .

آیده بر دفعه نشر اولونور ، سربست ، مجموعه عثمانیه واسلامیه در

عقبه مسئله سنک عاقبتی

عقبه مسئله سی حل اولوندی . صورت حل ، عزت
نفس دن ، غیرت و حیت دن نصیبه لری اولمایان سلاطین
متأخره عثمانیه نك الك طبائسری ، الك غیرتسری . الك
حمیتسری اولان و بو اوصاف ایله موصوفیتی ، یکیرمی
سکیز سنه لک عهد مشؤمنده ملک اسلامک بر ربی
ضایع ایدیلیمش اولماقله ثابت بولونان سلطان حضرك
یوزندن شوکت و حیثیت ملی مزه بر ضربه الیمه دیگر
اولمش در . بو مسئله نی ۱۱ نومرولی اجتهادک فرانسزجه
قسمنک ۱۶۹ نجی صحیفه سنده دور و دراز مطالعه ایتدک .
اوراده سویله مش اولدیغمز وجهله مسئله نك بزم ایچون
حقارت انکیز بر صورتده ختام بولاجانی بک آشکار
ایدی . چونکه نزاع ایدن دولت لرك بری قوجه انکلتزه
دیگری حکومت حمیدیه ایدی . انکلتزه حکومت عظیمه .
سنک اموری کیملر آئنده اولدینی و حکومت حمیدیه نك
ماهیت و کاربردازلری معلوم بولوندینی حالده انکلتزه نك
ایشدن عدم موفقیتله چیقماسی خاطره کتیریه بیلیرمی ؟
سلطان حضرك مسکین ، پست و فرومایه لره مخصوص

پولتیقه سی چوق کوردک . (بن دن صوکره طوفان
قوپسون) حکم خودکامانه سی « حکمت حکومت »
اتخاذ ایدن بر عجوبه خلقت دن نه اثر حیت و غیرت
بکله نیله بیلیر ؟

« مصر بزم ، بز تورکلرک بر ولایت ممتاززه مز در
سوریه ایله بو ولایت آره سنده کی بر حدود اختلافدن
دولابی نه حقله انکلتزه دولتی بزه اولتیموم ویریور ،
صولر مزه حرب کیمسی سوقته حاضر لانیور ؟ » دیهرک
حدت ایدن دین و وطن قارداشلر مزه شو آجی حقیقی
سویله دک و ، بعض وطنداشلر مزک مؤخذات و تقیحاتنه
رغمآینه سویله یه جکیز : بز مصری حالا کندیمزک ظن
ایدیورز ، بویله بر ظنده بولونماق یادانغالقلق یاخود
خیالپرستلک اثری در . اعدام اولوناجانی کونه تقدم ایدن
کیجه رؤیاسنده « نفس نفیسی مقدسی و غیر مسئول »
بر حکمدار اولدیغنی کورن بر محکومک حاله مشابه
اولاراق « عالم اسلام بر عمان در بو عمان ، طوفان خیز
اولونجه انکلتزه دونانماسی بانیریر » دین یارانززه ، قریم
ده منتشر (ترجمان) رفیق محترمز ، ۲۴ نجی سنه سنک
۵۶ نجی نومرو سنده نه کوزل جواب ویریور . آرتق

(روسیایه دأر)

روسیاده بوکون اك زیاده جالب دقت و محظوظیت
اولان احوال اك مهمی استبداد ایله حریتك قوبجه،
مقاومتجه، فعالیتجه موازنه کسب ایتش اولماسی در.
مجلس مبعوثان آچیلدی. حریت مطبوعات، حریت وجدان
وافکار استحصال اولوندی. مجلس مبعوثانك لفظی مراد
برحاله قلماسی و حریت افکار و مطبوعاتك وسائط
کونا کون ایله مستعد تقیید و اطفا بولونماسی ایچون
مطلقیت حاکمیت فرقه جباری، اولانجه نفوذ و نقدلرینی
صرف ایدیورلر. شوکونلرده روسیاده جابجا موسوی لر
اوزه رنده ارتکاب اولونان قتل عام جنایاتی مطلقیت اداره دن
منفعتدار اولان ملعونلر اك اثری در. بو قتل دن اولنلر اك یکی
مرادی وار: بری روس اهالیسنك وحشی و مجلس مبعوثانه
و حریت غیر لایق اولدوقترینی یارواغیاره کوسترمك
دیگریده روسیاده حریت سیاسییه نك فتحی امرنده
روس لردن زیاده غیرت، شجاعت، مهارت، درایت
کوسترمش اولان موسویلری محو و مایوس
ایتمك در. فقط بو بر یاكلش حساب در: اولاه، عوام ناسك،
جماعت خالنده بولونان عوام ناسك حرکات و هیجانی
برملت اك ادراك و درجه مدینته میزان اولاماز. ثانیاً بویکی
قائلی تعرضات موسوی اهل هممك فرقه استبداده قارشی
چکیله جك تیغ انتقامنی زاغلاماق دن باشقا بر نتیجه ویرمز.
روسیا انقلاب فرقه حره سنك تشکیلاتی عادتاً روسیا
دولت جباریله باش باشه اوغراشاق بر مرتبه هییت
ودهشته در، ادام الله جلاله!

* *

روسیاده کی تورک و مسلمان قارداشلر مرکز شیمدی به

حقیقتده بزم اولمایان یا لکنز مصرمی؟ بزم و بك زیاده بزم
اولان آناتولی بیله بزم اولمایه باشلاور. انکلیزه،
روسه، آلمان، شونا، بونا نه قباح بولیورز. قباح
بزده «آتینچی نك در» دین اجدادمز بزه بودقیقه بی
سویله مشلر دیمك در. علم نصرانیتك بالاتفاق عالم اسلامیته
مسلط اولمش بولونماسی فکری بر فکر سخیف در. عالم
اسلامیته مسلط اولان: ظالم و سفیه حکمداران اسلام ایله بویله
خائن، خائف، زاحف، جبار حریفله اطاعت همیانه ده
بولونان بزم مسلمانلر، که اسملرمزدن غیری هیچ
بر شیمز مسلمان دکل در. ژاپونلر دین اسلامی قبول
ایده جکلرینه دأر بر شایعه نك دوغرو اولوب اولمادیغنی
کمال تهالکله صوران بر ذات «آ مبارک آدم، ژاپونلر
مسلمان اولمالرندن فائده بکله به جکمز معنای حقیقیسیله
کندیمز مسلمان اولمایه با قالم «جوانی ویرمشك.
ژاپونلر اك اطوار و حرکتی پك مسلمانانه در آدلری
اعتقادلری نه اولورسه اولسون البته اولنلر بزدن بیک قات
زیاده «سیرت محمدیه» به سالاک در.

نتیجه اولاراق شونی سویله بوب سوزمزه نهایت
ویره جکز: انکلتزه حکومتی تورک عسکرینی (طابه دن)
چکدیدی. سلطان حاضرک جباتی و فرطاهاتی انکلیزلری
هیچ یورو ماقسزین مقصدلرینه نائل ایدی. او مقصده
مسلمانلر اك اولو قولاقلرینه شو حقیقی صوقاق ایدی:
مصرک صاحب حقیقیسی انکلتزه در؛ مصر و «کل مافیه»
انکلیز قوم جهانگیرینك محمسی در، مملوکی در؛ حامی
و مالک اولماق صفت و اقتدارلرینی اکتساب و محافظه
ایده مهین افراد و اقوامك محمی و مملوک اولمالری، ترقی
و طبیعتك اك زیاده تغیر ناپذیر، اك زیاده مرحمت
ناشناس بر قانونی در. قارداشلرم مسلمانلر! ای بیله لم بونی!

۲۶ حزیران ۱۹۰۶ مصر

دوقتور عبدالله جودت

